



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU DEMOKRATA BOSNE I HERCEGOVINE

Broj: 09-07-6-168/07  
Sarajevo, 24. april 2008. godine

## **SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Demokrata Bosne i Hercegovine i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da su Demokrati BiH prekršili odredbe člana 6. i člana 11. stav 3. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, osim napomene pod 1. nismo zapazili ništa značajno što bi ukazalo na nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Demokrata Bosne i Hercegovine i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Demokrati Bosne i Hercegovine je iskazala prihode u iznosu od 5.000,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	0%
2	Prilozi fizičkih lica	5.000	10000%
3	Prilozi pravnih lica	0	0%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	0	0%
	<b>Ukupni prihodi:</b>	<b>5.000</b>	<b>10000%</b>

U godišnjem finansijskom izvještaju politička stranka Demokrati Bosne i Hercegovine je iskazala ukupne rashode u iznosu 5.000,00 KM.

## 2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv je Demokrati BiH.

Politička stranka Demokrati BiH je registrovana 01.06.1999. godine kod Kantonalnog suda u Sarajevu, pod brojem Rf -1293/06.

Sjedište političke stranke je u Sarajevu, ulica Maršala Tita br.28

Za zastupanje stranke ovlašten je: Safet Čibo, predsjednik i Muamer Kalić, potpredsjednik stranke. Osoba ovlaštena za podnošenje finansijskih izvještaja za 2006. godinu je Muamer Kalić.

Prema podacima iz finansijskog izvještaja Demokrati BiH nema organizacione dijelove nižeg nivoa (entitetske, kantonalne, opštinske).

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije je** godišnji finansijski izvještaj Demokrata BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije je** da revizor na bazi finansijskog izvještaja pokuša da ustanovi da li su Demokrati BiH u izvještajnom periodu postupali u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim kancelarijske revizije** finansijskih izvještaja Demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom priloge fizičkih lica i troškove predizborne kampanje.

### **4. PRETHODNE REVIZIJE**

Revizija se obavlja prvi put.

### **5. NALAZI KANCELARIJSKE REVIZIJE**

#### **5.1. NALAZI**

**a) Na osnovu obavljene kancelarijske revizije godišnjeg finansijskog izvještaja utvrđeno je da su Demokrati BiH prekršili odredbe člana 6. Zakona o finansiranju političkih stranaka.<sup>1</sup>**

Demokrati BiH su u 2006. godini koristili poslovne prostorije u vlasništvu pravnog lica Bosnia Airlines bez plaćanja zakupnine, čime su primili prilog od navedenog pravnog lica. Na obrascima

---

<sup>1</sup> Ako ukupan iznos priloga jednog pravnog ili fizičkog lica prelazi 100,00 KM, ta se uplata mora prijaviti, odnosno unijeti u finansijski izvještaj u skladu s članom 11. Zakona o finansiranju političkih stranaka.

godišnjeg finansijskog izvještaja za 2006. godinu stranka nije iskazala ovaj prilog čime su prekršene odredbe člana 6. ovog Zakona.

**b) Stranka je prekršila odredbe člana 11. stav 3. Zakona o finansiranju političkih stranaka<sup>2</sup>.**

Stranka je prekršila odredbe člana 11. stav 3. Zakona o finansiranju političkih stranaka jer nije na obrascima godišnjeg finansijskog izvještaja iskazala prilog od pravnog lica Bosnia Airlines na osnovu besplatnog korištenja poslovnih prostorija.

**Troškovi predizborne kampanje**

Demokrati BiH nisu iskazali troškove izborne propagande. Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>3</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Demokrati BiH su mogli potrošiti 233.272,80 KM.

**5.2. PREPORUKE :**

*Preporučuje se Demokratima BiH da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 6. i člana 11. stav 3. Zakona o finansiranju političkih stranaka, odnosno da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka.*

---

<sup>2</sup> Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

<sup>3</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## **KOMENTAR:**

U ostavljenom roku, Demokrati BiH su dostavili dopunu godišnjeg finansijskog izvještaja za 2006. godinu i dodatnu dokumentaciju. Dostavljanjem dodatne dokumentacije stranka je postupila u skladu sa odredbama člana 11. stav 4. Zakona o finansiranju političkih stranaka što je i uvaženo i ugrađeno u Izvještaj o pregledu godišnjeg finansijskog izvještaja za 2006. godinu.

Uvidom u dodatnu dokumentaciju utvrđeno da je u 2006. godini stranka koristila poslovne prostorije u vlasništvu pravnog lica bez plaćanja zakupnine. Stranka nije prijavila taj prilog što je bila obavezna u skladu sa članom 6. Zakona o finansiranju političkih stranaka, što je u formi nalaza i ugrađeno u Izvještaj o pregledu godišnjeg finansijskog izvještaja za 2006. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora